



UNIVERSITÄTS-
BIBLIOTHEK
PADERBORN

Universitätsbibliothek Paderborn

Catena Aurea

Ferdinand <Paderborn, Bischof, II.>

[S.l.], 1661

Annulus II. Arbor Genealogica.

urn:nbn:de:hbz:466:1-7709

ANNULUS II.
ARBOR GENEALOGICA.

217



SIMILIS DE STIRPE PROPAGO



*N*on fert degeneres arbor generosa Nepotes,
Nec pulcram sobolem stirps inhonora parit.
Non abies cerasum, non educat esculus uvam,
Nec dura è quercu mollia poma leues.
Non strobilos morus, non fundit amygdala glâdes
Non steriles baccas Palladis arbor alit.

*Est & in arboribus gemini gloria succi,
Ingenitusque suæ nobilitatis amor.
Ex ficu ficus, olea nascuntur olivæ;
Et pyra ferre pyrus, malaque malus amat.
Haud aliter nobis de Principe sanguine Princeps
Et simili similis stirpe propago venis.
Nescit degenerem stirps FURSTENBERGICA prolem,
Tot parit illustres, quot parit illa viros.
Seu qua Livonicas ramos extendit in oras,
Seu qua Westphalicis brachia pandit agris.*

B 2

Ex

Ex Fructibus eorum cognoscetis eos.



Non mirabor dehinc cur Poë-
tæ homines arboribus, arbores ho-
minibus compararint, cur Plato descripturus
hominem, descriperit arborem inversam, cur
denique nobiles arborem familiae proponant
in multos diductam ramos, cum Avos Avos-
rum, Nepotes Nepotum, spectandos propo-
nunt: vidit hoc, cum primum vidit, cæcus E-
vangelicus Marci. 8. *Video inquit homines
velut Arbores.*

Dixit clariùs incarnata Veritas, quando malis arboribus malos homines, bonos bonis componebat, & mores itidem ingeniaque arborum internoscebat ex fructibus, ut hominum ex operibus, Veritatis sequar iudicium, Principes arbores, ad Principes exigam fructus seu opera. Opera video tam belli quàm domi fortia, admiranda, magnifica, Principe digna.

WILHELMUM video inter ORDINES discurrentem militares, aciem instruere, manus cum hoste conferere, ferrum, ignes jacere, urbes arcesque expugnare, nihil negligere, quæ Mavortium Principem deceant.

THEODORUM video mansuetiore natum ingenio, arma invitum sumere, sumpta non invitum ponere, pacis studia bellicis antepone, jura populis dare, provincias quietè gubernare. Parva sunt isthæc multisque Principibus communia, proprium est, quod labentem RELIGIONEM humeris suis novus Atlas sustentavit, quod templa & aras pristino nitore restituit, redditus proventusque Ecclesiasticos auxit, sacrâ, quâ par est, majestatem & splendore decoravit. Inde ad *Rem Politicam* conversus curam ante omnia formandæ juventutis suscepit, quod *Primum esse in Republica & medium & postremum* Plutarchus docuit, primum opinor, quia uti à fundamentis firmitas domus, sic à moribus juvenum salus pendet Republicæ; Postremum quia in Respublicarum præcipuus debet esse finis: quare idoneos literarum tam severiorum, quàm humaniorum evocavit Doctores. Doctoribus Collegium, juventuti Academiam eleganti opere extruxit. Votorum compos sapientiam in sua urbe philosophantem audivit, quæ antea in remotis tantùm audiebatur urbibus: opes magno Civium dispendio ad exterarum Academiarum exportari solitas, maiore compendio ab exteris in Academiam Urbemque importavit Paderanam; securitati publicæ tranquillitati que consuluit, quando arces & propugnacula opportunis locis venturo hosti objecit.

TERTIUM PRINCIPEM FERDINANDUM video magna animo volentem, nec tam sollicitum ut parta tueatur, quàm ut nova ipse adjiciat: jam tum circumspicit quid Ecclesiis ornamenti, quid Religioni præsidii, quid Patriæ emolumenti, quid Academiae addat splendoris. DEUS

NOVI PRINCIPIS vota conatusque secundet, &
Ecclesiæ, Patriæ, Academiae optatissimum An-
tistitem diu servet incolumem,

ANN V